



Inatsisartunut ilaasortaq Anna Wangenheim,
Demokraatit

§ 37 nr. 024/2022 apeqquteqaammut akissuteqaat

Asasara Anna Wangenheim

Inatsisartut suleriusissaanni § 37 imm. 1 naapertorlugu Naalakkersuisunut saqqummiunneqartoq pillugu apeqquteqarsimavutit. Apeqquteqarninnut Naalakkersuisut qujapput uteqqillugillu ataani akineqassapput.

- 1) Naalakkersuisut qanoq pilersaaruteqarpat kattuffiup/PPK-P oqariartuutaanut tunngassuteqartumik, uani piineqarpoq immikkut ittumik ullormik ataatsimik sulinggiffeqartitaanermik kissaateqarnermik?

Akissut:

Aningaasaqarnermut- Sulisoqarnermullu aqutsisoqarfimmit apeqqutit ima akissuteqarfingeqarpoq:

"Ullormik ataatsimik sulinggiffeqartitaasarnissamut kissaat eqqarsaatigalugu apeqqutaavoq illuatungeriit akunnerminni qanoq ittunik isumaqatigiissusiorsimanersut. Naalakkersuisuniit paasineqarsinnaavoq ingerlaaseq ilanneeriarluni qeratarpasissinnaasartoq taamaattorli sulisut peqatigiiffianiit ingerlaatsimut iluaqutaasarpur ima, tassa politikikkut sulisut peqatigiiffii akuliutitinneqaqqaartinnagit imaaliinnarluni piffinni atorfinnut ajoqutaasinnaasunik aalajangertoqarsinnaanngilaq. Aningaasaqarnermut- Sulisoqarnermullu aqutsisoqarfik isumaqatiginninniarnernik ingerlatsisuusartoq ulloq 3. februar PPK-miit piumasaqaataasunik saaffiginnissutinik tigusaqarsimanngilaq. Takuuk ilanngussaq 1-miittoq ulloq 28. januar 2022-mi Peqqissaasut Kattuffiannut nassiunneqarsimasoq."

- 2) Naalakkersuisut nassuiaasinnaannerpat politikikkut inatsisitigullu qanoq iliuseqartoqarsinnaaneranik taamatut immikkut ittumik ullormik ataatsimik sulinggiffeqarsinnaatitaanermik piviusunngortitsisoqassappat?

Akissut:

Aningaasaqarnermut- Sulisoqarnermullu aqutsisoqarfimmit apeqqutit ima akissuteqarfingeqarpoq:

"Naalakkersuisut (aamma Inatsisartut) illuatungeriit akunnerminni isumaqatiginninniarnerninni isumaqatigiissutinik eqqartueqatigiittarnerinut ataqqinninneq politikikkut ileqquvoq. Immikkut ittutigut pingaarnertut isumaqatigiissutaasimasuniit malunnarpoq "Illuatungeriinnit isumaqatigiissutigineqartoq, illuatungeriit akunnerminni isumaqatigiissutaat ataatsimut kattussinnarlugit akissarsiat- allatigullu sulinermi atugassarititaasut aalajangersarneqartassasut". Qulaani taaneqareersutut immikkut ullormik ataatsimik sulinggiffeqartitaasarnissamut inatsisitigut qiviassagaanni isumaqatigiissutinut ataatsimut kattunneqarsimasut isiginiarneqartariaqarput."

04-02-2022
Sags nr. 2022-3804
Akt nr. 19231799

Postboks 1160
Tlf: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Piviusunnngortitsinermi apeqcut immikkut ittumik akissarsiat piginnarlugit sulinnigiffeqartitsisarniaraanni isumaqatiginninniarnernut tulliuttunut ilanngunneqartariaqassaaq. PPK-mi isumaqatigiissutit atuuttut 31. marts 2024-mi qaangiutissapput. Ilisimatitsissutigisinnaavarput pisortatigoortumik isumaqatiginninniarnert 2023-imi aallartinneqarumaartut".

3) Naalackersuisut kattuffik, PPK-p soqutigsaat aallaavigalugit, oqaloqatiginiarlugu assamik isaassiniarpat?

Akissut:

Apeqqummut akissut, akissutinut 1 aamma 2-mut innersuusutigaarput

4) Naalackersuisut qanoq isumaqarpat suliamut tunngasumut, peqqinnissaqarfimmi sulisut allat soqutigasaanut taamatullu sunniuteqarnerannut?

Akissut:

Soorunami allaqqavoq sulisut peqatigiiffii sorliilluunniit isumaqatiginninniartoqartillugu kissaatigineqartunik saqqummiussinissamut kiffaangissuseqartut.

5) Naalackersuisut qaqugu naatsorsuutigivaat sulisussanik sulisitsiniarnermi sulisunillu attasiniarnermut nalunaarussiaq Islandimi peruserineqartoq tunngavigalugu, saqqummiussinissaat?

Akissut:

Piffissami sivisuumi Peqqissutsimut Naalackersuisoqarfik, Nunatta Nakorsaaneqarfia aamma Peqqinnissaqarfik Covid-19 aqunniarneqarneranut atatillugu nukippassuit atorineqarnikummata misissuinerup saqqummiunneqarnissaa suli ullulerneqarnikuunngilaq.

6) Island suleqatiginiarlugu pisortatigoortumik suleqatigiinissamik aallartitsisoqarpat, tassanilu annerusumik peqqinnissaqarfimmut sulisussarsiornermik kinguneqartussamik?

Akissut:

Peqqinnissamut suleqataasussanik ujartuinissaq siunertarlugu pisortatigoortumik Island suleqatigineqassanersoq suli qulakkeerneqarnikuunngilaq.


Island-imi peqqissutsimut sulisut pikkorissartinneqartarnerat sulisullu avataaneersut sulisorineqaannarnissaat siunertarlugu suleriaaseq pillugu Reykjavikimi Landshospitalet-meersoq HR-imi suliaqartartoq attaveqaatit atorlugit aallarniummik ataatsimeeqatigineqarnikuuneranik Naalackersuisut ilisimatitsissutigisinnaavaat.

Tamatuma saniatigut piginnaatitsissutit, malittarisassat, akuersissutit nalinginnaasumillu misilittakkatigut Kalaallit Nunaanni Island-illu akunnerminni naleqqussarneqarnissaa siunertarlugu Naalackersuisut Island-imi peqqinnissakkut oqartussaasut kissaateqarlutik saaffiginnissimapput. Akissutigineqartut isumalluarnarsimapput Island-imi illu assigiinngitsutigut suleqatigiinissamut periarfissanik misissuerusussuseqarlutik.

December 2021-mi Island-imi Nunap nakorsaana, Peqqinnissamut Ministeriaqarfik peqataasoralugit Peqqinnissamut Naalackersuisoq Kirsten Fencker, Nunatta Nakorsaana Henrik L. Hansen kiisalu Peqqinnissaqarfiup aqutsisoqarfianiit ataatsimeeqatigiinissaq pilersaarusiorneqarsimagaluarpoq. Covid-19-illi tuniluunna

pequtaalluni nunani taakkunani marlunni ataatsimeeqatigiinnissaq
kinguartinneqarsimavoq. Nunatsinnili tunillaassuunnerup pilersaarusiorniarnikkut
unamminartoqartitsinera pequtaalluni ataatsimiinnissap tullia suli
ullulerneqarnikuunngilaq.

Inussiarnersumik inuulluaqqusillunga
Med venlig hilsen



Pele Broberg



Til Peqqissaasut Kattuffiat

Isumaqatigiissutit pillugit tusagassiutitigut allaaserineqaqattaartut pillugit

Sags nr.
Akt nr. 19215143

Asasarput Peqqissaasut Kattuffiat / Ken Jensen

Postboks 1160
Tlf: 34 50 00
Fax: 34 55 05
3900 Nuuk
Email:

Piffissaq kingulleq eqqarsaatigalugu, maluginiarneqarsimavoq peqqissaasut sulinerikkut atugaat akissarsiaqartitaanerilu pillugit tusagassiutitigut saqqummiussisoqaqattaarsimasoq. Peqqissutsimut sulialinnut tunngatillugu isumaqatigiissutitigut tunngassuteqarsinnaasut Peqqissaasut Kattuffiannit oqaloqatigiissutigineqarnissaanut kissaatit ilanngutassiarineqarput. Takuneqarsinnaavoq illuatungeriit akunnerminni akissarsiat- allatigullu sulinermi atukkat pillugit aalajangersakkat ataatsimoorussamik aaqqissuunneqarnissaat isumaqatigiissummi allaqqasut. Aammattaaq allaqqavoq, illuatungeriit isumaqatigiissutigigaat suleqatigiilluarsinnaaneq piffinni sulinermi atukkat aalakkaasuullutik pitsaasuullutillu eqqissisimanartuunissaat. Aningaasaqarnermut- Sulisoqarnermullu aqutsisoqarfik isumaqatiginninniartartuusoq qulaani pineqartut pillugit pisortatigoortumik saaffiginnisummik tigusaqarsimangilaq. Pissutsit itisilerlugit ersarissaasoqarnissaa pillugu tusarusussinnaavugut. Inussiarnersumik inuulluaqqusillunga

Inussiarnersumik inuulluaqqusillunga
Med venlig hilsen

Frederik Schmidt
Isumaqatiginninniartarnermi pisortaq